

晚

晴

移

詩

匯

晚晴簃詩匯卷一百九十五目錄

釋子

智朴 一首

今釋 三首

弘智 四首

宏仁 一首

南潛 一首

讀徹 四首

實訥 四首

炤影 二首

函昱 三十四首

光鷲 十八首

通容 一首

聽月 一首

函可 二十首

湧狂 二首

大鈴 一首

正羞 一首

止崑 二首

濟日 一首

顯鵬 二首

序鐙 一首

海遐 一首

同揆 一首

大燈 一首

蔭在 二首

本源 一首

大甯 一首

大成 一首

雪峯 一首

元志 一首

玉 五首

蜀喬 一首

道賢 一首

性休 一首

晚晴簃詩匯卷一百九十五

釋子

徐世昌

智朴字拙庵徐州人有盤谷集

詩話拙庵駐錫京師往還盤山諸刹嘗作小象坐松杏間名曰青松紅杏圖或謂拙庵實洪文襄麾下士支襄軍覆去而為僧松杏隱二山名所以志也卷存白紙坊崇效寺順康以降名流題詠多至百數十家庚子之亂失而復得至今每歲牡丹開時雅俗咸集劣字惡詩恣意塗抹且有妄人書名於老輩間殊為恨事

盤山

蒼松亂插連雲石石上苔痕虎行跡拄杖來從飛鳥邊下視蒼茫遠煙碧

今釋字澹歸杭州人本姓金名堡字道隱號衛公明崇

禎庚辰進士官禮科都給事中韶州丹霞寺僧有編

行堂集

詩話澹歸永厯間相從轉徙流離瑣尾中尙屢上封
事爲五虎之一及兩粵潰遂出世於丹霞苦行精勤
興建丹霞禪刹宇旣成迎其師天然和上居方丈
身就執事之寮粗衣蔬食超然本色沙門丙戌卒於
丹霞

人日龔芝麓鄧孝威垂訪海幢寺

勝流坐對卽空山未礙梅花笑往還風雨襍陳今昔夢松
筠長護死生關珠川空寫何年淚玉竹猶分一樣斑此去
相思無遠近曹溪元不隔人間

無題

老怕應休學少年憂時成結喜成顛無弦得弄琴三疊有
伴裁看石一拳閉戶鈔方偏伏枕因人博飯媿栽田楊花
又現浮萍相水泛風飄不異緣

戴菴

落葉平坡外騎牛古寺還一回風雨過幾幅米家山

弘智字無可別字藥地桐城人本姓方名以智字密之
明崇禎庚辰進士官檢討初爲報恩寺僧後開法於

青原山有浮山集

詩話藥地爲湖北巡撫仁植子文章氣節與侯朝宗
陳定生吳次尾冒辟疆輩爲清流領袖馬阮所首欲
甘心者遂逃於釋余藏有藥地及朝宗畫山水各一
幅藥地題云本有參天勢其如冰雪寒石奇原是伴
地險亦能安根到九泉曲才支大厦難倚松倚偃折
莫惜一身殘朝宗題云江柳依依江草齊亂山無語
送斜暉幽人夜把孤篷
去滿載一船春色歸

獨往

同伴都分手麻鞋獨入林一年三變姓十字九椎心聽慣
干戈信愁因風雨深死生容易事所痛爲知音

乙酉臘月二十四夜

故鄉風俗重今夜兒女班班列堂下今當樹折巢破時羽
毛零落憐枯枝旅舍簷前一回首上有白髮下黃口望空
翦紙告墳墓兩眼淚接三杯酒難道年年坐死苦海中願
爲落葉隨飄風

聽黔調山坡羊

調自邊關到石城此方絃管更多情游人借得東風力吹
入江南後一聲
猶憶秦淮養竹枝青樓沈水易相思眼看到處生離別何
故多彈子夜詞

宏仁號漸江歙縣人俗姓江名韜字六奇明諸生

詩話漸江甲申後爲僧工詩文畫初法宋人後宗倪
黃雨家歲必數游黃山墓在披雲峯下人爲蔣梅花

數十本從
其志也

題畫

茅屋禁寒晝不開
梅花消息早先回
幽人記得溪橋路
雙屐還能踏雪來

南潛字寶雲一字月函一作月巖烏程人本姓董名說
字雨若號俟庵貢生靈巖寺僧

宮人入道和唐人

聽斷昭陽鼓吹聲
道家衣向御前更已拋團扇三秋怨卻
勝琵琶萬里行
留錦祇謀裝祕笈
買絲還擬繡飛瓊
天家異日齋香使白髮
宮奴記舊名

讀徹字蒼雪呈貢人本姓趙長洲中峯僧有南來堂

王漁洋曰近日釋子詩以滇南蒼雪爲第一如一夜
花開湖上路半春家在雪中
山亂流落葉聲兼下聽

徹寒扉不上關皆警句其弟子秋臯亦有句云鳥曉
殘雪樹人語夕陽山又曰蒼雪居吳之中峯嘗夜
誦楞嚴月明如水忽語侍者庭心有萬厯大錢一枚
可往檢取視之果然師貫穿教典尤以詩名嘗有句
云斜枝不礙經行路
落葉全埋入定身
詩話蒼雪初從雞足水月道人爲沙彌年十九受戒
雲棲參雪浪於望亭復一依雨潤於鐵山與明河并
爲入室弟子

別吳中諸子

相見了無意臨歧還黯然回看吳苑樹獨上秣陵船春老
還山路江昏欲雨天白鷗頗怪我聚散綠波前

中峯喜逢白公夜集法公方丈

久別幾於消息斷重逢猶記道途間兩山相憶秋同老一
夜剛隨雨到山故舊何人堪共話林巒有主薺投閒亂流
落葉聲兼下聽徹寒扉不上關

送友之敬亭

君讀書我拍歌留君不住奈君何閒者孤雲飛者鳥我山
我水何曾少獨憐知已是敬亭開門終日雙眼青安得秦
王驅出邊芙蓉一片當我前君亦不須去山亦不須住竹
月松風對牀語

自雲栖過湖上雜詠

春水平湖綠映隄六橋芳草正萋萋東風不爲游人待催
盡桃花襯馬蹏

實訥字可南吳縣人

石公山

湖上山忽起笑兀孤雲中洪濤日相擊飛雪灑晴空懸崖
疑欲墮怪異由天工雨晴蒼翠溼水落根玲瓏時有好事

者閒來窮鴻濛

江樓望月

江村猶不夜月已到高樓
碧瓦光相射虛檐影自流
山山皆在水樹樹盡成秋
天迴空無著西風一釣舟

夜同凝父宿元朗齋頭有懷秋潭

簾外絲絲雨因風亦易晴
孤燈照清話一鉢了浮生
野鳥不依樹閒雲偶入城
懸知溪上意流水是經聲

月夜過元宏山房

忽動幽人思昏黃過草堂
江明初上月地白已凝霜
相見更何事歲寒心不忘
石牀終夕語松隙又晨光

炤影字指月吳江人住梅里江楓庵有鏡齋集

題顧茂倫村居

持竿傲楚使長嘯將何之人生各有志與世無心期卓哉
顧天子隱耕東皋菑捲書挂牛角冲煙出茅茨幽禽嘯高
松望空宏遐思時呼漁人飲問月來何遲回眸瞻北斗陰
雲凝天池放歌忽揮涕今古事如斯且復倒金樽生涯何
足知

吳茂申見過感賦

秋風颯颯獨相過說盡艱辛鬢已皤莫道故鄉煙火少祇
緣江岸鼓鼙多江山萬里看黃霧松竹荒園坐綠莎冠蓋
寥寥休問訛五侯茅土近如何

函昞字麗中別字天然番禺人本姓曾名起莘明崇禎
癸酉舉人已卯落髮甲申後避地雷峯厯華首海幢
丹霞諸刹有贈堂詩集

詩話麗中公車北行舟次南康詣歸宗謁道獨和尚
落髮爲曹洞三十四傳其歸宗山頽詩序云我宗無
語句亦無一法與人矧文字乎法運衰晚真悟人少
惟識解依通偶爾微中年來痛詆門下除舊習魯論
姑不在禁若早年剃落少一習氣便是多一便宜猶
耽之不已真所謂舍其田而芸人之田矣吾道貴悟
明心地耳離文字相離心緣相卽盡天下人目爲不
通文不達理亦復何害老僧不作詩文三年矣自歸
匡嶽乃有山頽由其天有所甚樂故其頽有所自鳴
也觀此序却天然所得甚深異乎世之以詩僧自詡
矣者

春佃

幽谷逢春至藹然鬯予情江流日以長山鳥時一鳴重雲
蔽羣木冥蒙遂所生斯人獨不然耳目餘聰明萬物紛其
前安得返無名役役百年中毀譽爭虛聲何不乘青陽優
游同耦耕曠觀古與今賢智多無成惜此荷鋤人來往空
生平

久雨不敢厭有事在西疇戴笠隨人行望望荒山邱春風
吹我衣飄然忘去留愛彼綠徧野遠近馳雙眸試問往來
者知我心中不與爾情均同所異能不憂飽煖百念灰饑
寒豈無求

一身寄天地生事隨人間山澤吾自爲勤苦有餘閒樂道
當如是名譽匪所干招隱愧鄭谷矜貧薄袁安饑渴苟可
支泉石足忘年春林生意滿心逐禽魚歡種蔬不待暖布
穀畏猶寒去年瓜豆遲野羹良辛酸萬事須及時豈但耕
鋤然

新晴喜見日微風蕩青林弱柳未成條雛鶯試好音和氣
徹上下奇懷發良晨挈象觀初苗終歲賴不貧所欲亦易
足俯仰無餘心倦歸茅簷下讀書思古人黃虞詎關世安

知不如今出戶望空遠高山臨星辰

谷風寒不栗山日多所欣泉聲遠近別深淺綠畦分燕歸
尋先巢去雁不成羣大小農事忙誰與觀斯晨好事悅予
懷閒情慙昔人自知景物同老興聊云云莫言世如幻幻
中良有眞澄江搖古木怪石冒春雲

甲子行當健今春逾往年日食幾一升頌詩嘗百篇措心
無他營所慕維耕田貧賤固其分畎畝誠多賢燕逸豈不
娛揣己難爲安邇因老且病眾務慙身先徒以口舌勞兀
傲誰與憐君子貴自處吾亦非苟然

過泐山

寒山有佳色理策臨清漪倚棹過綠玉將以觀冬犁捨舟
登古岸髣髴玉淵時所異谷與川動靜各有宜停步稍顧

盼撫景心相隨遙遙望石門雙峯一徑微梯窮萬山出忽
然就長隄土屋三兩間依巖縛茅茨爨煙穿石竇雲影隨
高低下有丹溜潭水落松風吹泠泠潭上人分明見鬚眉
樂此畢生平耕鋤復何辭古者食其力辛苦當爲誰日暮
且歸去明春予再來

沈秀才融谷入山

何人江上來面目清如水遙遙向石門尋我萬山裏巖前
青林舒衣上白雲起讀書破萬卷相對難爲似豈不釋世
紛淵明曾一仕但存霜雪心遲爾十年耳張鎧酌流泉寒
燄入杯泚杯影與壁光畢竟何者是言窮神自會他時須
記此

次韻答楊伊水

竹院逢君處相看古道存從來無剩法慚愧獨稱尊新月
窺人影寒鴉代我言更尋晴雪夜移榻破雲痕

晚登風旛閣

望處江山舊憑高獨愴然曾隨章貢水直抵秣陵天六月
溪樓上三年樵舍前風光今昔異撫景倍流連

出訶林聞羅季作訃

別子方三月倏然成古人誰知昔日諾空結再生因俠骨
終難副詩情孤絕鄰窮交看欲盡橫泗獨沾巾

王園長侍郎入山

破寺尋僧至呼名尙儼然座中今日意石上舊時緣楮枰
燒寒雨羣鬆坐暝煙干戈猶滿目珍重惜餘年

歸過石澗

別有一天地巉巖路不窮白雲扶怪石碧澗浸寒空杖屨
虛無際林巒杳靄中歸途情更慊習習起東風

九日登三老峯

葉落萬山紫披雲信短筇恰逢重九日獨上最高峯海色
連秋漢風聲雜晚鐘黃花今又醉猶是去年儂

轉禪病出訶林

久病傷爲客寒蟲候月艱三冬訶子舍八載荔枝山始覺
浮生促深知平日閒近思蘆服味念汝海雲間

示阿字

大道無人識微言爲爾開白雲將眼去明月照心來坐落
西風夜行冥古徑苔嗒然天地外相見一悠哉

聞秋風寄卽覺

六月秋風起行人知不知何須梧葉盡方覺雁聲悲北地
稻粱早南湖菰米遲歸山霜未降更勿滯佳期

悼袁特邱中丞

凶信疑難定書來始覺真十年師弟意一旦古今人老死
非所諱因緣不可陳精魂何處覓未易憶前身

易別成辜負多時恨未收匡山從昔峙楚水至今流我隱

何曾隱君休竟不休此生堪幾誤慙望武昌樓特邱欲爲僧以予入

匡急不能相待遂成恨事憶崇禎庚辰九江與熊心開經路道別亦以住匡心切弗獲同入京師竟至永訣後先同

一追悔二子皆居楚故結句云云

楚故結句云云

長生不可學但願莫長離解語人難再多情我易悲遣懷

憐舊好悼往惜今時止言澹歸皆特邱宿相續他生事論

因亦自知

而媳師吾妹

謂頓徹
比丘尼

能參出世禪及門多割愛歧路歎前

緣任運元無住千生總偶然憂傷惟我佛底事未堪詮

與角子夜話懷姜山江甯

相對復何語鐙搖此夕情無心居野寺有夢到江城恩在
身名重緣拋道誼輕誰當信疇昔期爾盡生平

未盡今宵意難爲千里心殘鶯嘯短燭細雨滴離襟舊話
憐當日新愁起夕吟白門何處院笠影動城陰

悼旋菴湛都寺

不敢爲人累心孤意自闌誼衰知道喪時邁覺情寒社燕
辭霜白秋鴻叫樹丹每因朝露委都作暮齡看

華陀不可學把藥泣漣洏盡意起遙夜論心限此時達生
嫌世薄問卜愛人癡門外西風急披襟信步遲

人情今古盡夕月與朝煙好客常終日揮金信一拳豈堪
分水乳容易論因緣已矣真風邈予當遠石泉
萬里秋山好凋零逼歲除晴空填翠黛碧漢挂蟾蜍草樹
無常色光輝亦暫舒悠悠塵世裏誰獨愛吾廬

辛酉元夜吟

世上真如夢興來閒一吟明鐙過午夜獨坐擁寒襟大澤
龍蛇蟄高峯霜雪深嶧陽有孤樹爨下亦成音

郭無傷廊無畏見過

金粟如來是後身澄潭孤月淨無塵看同鏡裏人何似話
到聲銷道易親鐵樹開殘寒臘餞雪花藏得舊年春水雲
上下深深意鶴影松蚪好結鄰

尹恆復中秘見過

頻年轉戰知交盡相對真疑夢裏人心淡自應廉吏後時
危曾現宰官身趨庭有子能娛老避世尋僧得正因開士
漸推蓮社長羅浮今亦有遺民

望長老峰

萬丈孤危在目前亭亭不與眾山緣但看八面無行地相
見中峰直到天遠近雲巒供怪石淺深沙磧繞晴川寶華
王座當空倚路滑還他長老禪

憶過姑蘇

西風散髮闔閭城回首姑蘇淚暗生孤客不知他日恨旅
懷空愴昔人情秋高葉落吳門冷夜半潮生海月明三十
年來吟望處江湖繚繞暮雲平

寄熊內閣齊雲山中

富貴功名夢裏人誰知苦樂正相鄰回頭大有甘心處須
信身貧道未貧

入齊雲

深山高卧白雲屯閒聽林鶯盡日喧不爲癡呆甯有此肝
腸空向石頭論

光鶯字迹刪號東樵番禺人本姓方名顥愷字麟趾明
末舉人晚主大通寺有咸陟堂詩集

詩話述刪從離幻禪師爲弟子晚主大通寺年八十
六示寂詩文集外著有楞嚴直說十卷金剛直說一
卷老子直說二卷莊子內
篇注一卷鼎湖山志八卷

過羚羊峽

上峽上峽行不休一夫力挽千鈞舟船頭刺篙後搖櫓長
徽短纜舉如組牂牁乃是百谷王端水作腹瀧水腸畫山

習坎爲束峽譬則咽喉司吐納昨宵峽口聞風雷耳長目
短心先駭今朝峽中豁煙霧山色水聲渾不住此時此景
堪語誰當境不覺旁得之上如龍伯大人撫長劍截取方
輿作天塹下如任國公子垂鉅竿坐臨砥柱觀狂瀾前如
五丁鑿破蠶叢道金牛奔入西山草後如祖龍東面揮神
鞭眾石俯首爭相先左如維摩一榻一方丈金毛獅子紛
相向右如陀羅千手千芙蓉三十二相填虛空入如有窮
射天彈九日葑屋宵中見營室出如瞿曇夜半覩明星扶
桑浴日天雞鳴天雞鳴我當去行徧千山萬山路順風順
水下峽船相逢莫問曾經處行路難行路難莫難於瞿塘
之灘瀕何如羚羊古峽澈底清照見行人不知數行人照
水水照人形影奔波漫相遇當從舊路復歸來石出水枯

山骨露順流東下會有時回首喚山與山語

寓龍池菴日顯師以風雅相質贈此以廣其志

讀書萬卷無一得尋行數墨知何益丈夫恥作文字禪怕
與時人號詩伯不見黃梅春米盧胸中一字全不識腰閒
石爛骨皮穿倩人夜半書廊壁祖翁田地坦坦平兒孫更
莫栽荆棘我在羅浮古洞來蒲團坐老青山色挾盡詩書
始出門門前大道如弦直南行取路過龍池龍池之水清
且碧春風茵茵次第花赤梢鯉魚長八尺眼中明月奪鯨
鮓夜光照見池頭客相逢知我老詩僧捨卻摩尼問沙磧
笑傾栲栳擲還君莫昧圓明綴衣袂振轉前車戒後車少
壯及時須努力撲破奚囊未了緣斬斷葛藤千七百老僧
拭目池上看雨似盤傾雷霹靂金鱗透網出重關方笑蠹

魚心眼窄

送盧雁林歸里

盧生手抱玲瓏玉目送飛鴻理新曲日暮鄉心歸興催十
指沈吟寫幽獨深情遠韻誰得知曰有東林方老師聞所
未聞見未見此聲不似平居時昨日君心如止水今似行
雲日千里止水清冷有淺深行雲去住無端倪盧生大笑
釋玉琴曰公知我真知心明朝孤棹乘風去雲水迢迢何
處尋

蜃樓歌

天空海闊波不興沐日浴月百寶生海濱老人雙眼明昨
宵仰見營室星帝命海若修乾城六丁六甲胥效靈騎箕
傅說版築鳴吳剛伐柯聲丁丁扶桑若木爲棟楹龍宮珊

瑚裝畫屏天孫雲錦交疏櫺空中樓閣隨目成千尺百尺
通杳冥瑤臺璇室差可京玉堂金馬意所輕便欲埃風予
上征排闥直入掉臂行雲霞接足飛騰騰俯視下界如蒼
蠅終朝僕僕昏不停隨人啄腐還吞腥焉知大魚化爲鵬
六月一息九萬程何時與爾徙南溟佇立久視中屏營天
門乍闔烏西傾繁華寂寞如轉睛重樓複道歸太清中星
熠熠雲英英諦觀乃是大蛤精鼓吻吐氣成幻形老人自
歌還自聽鼃鼃睡熟喚不醒醒來但見桑田變滄海高岸
爲谷深爲陵迷樓綺閣今何在銅駝荆棘分縱橫乾城終
古長如此何須東海訪蓬瀛

留別龐西牟

舉世盡行役出門胥問津蹉跎百年內離合暫時人幾欲

成高蹈今來魏隱淪山中有茅屋棄置勿重陳

東林折梅送周大尊歸里

與子同枯槁花時共入林一枝聊折贈相視意何深
去住本無著繁華豈有心故園春信近行矣莫沈吟

響石

偶因傳語者識得點頭誰眞宰互相答太虛原不知求聲
出函谷聞籟憶南綦此意難爲贈潮音長與期

白雲洞雨後觀瀑

曾聽樵僧說此奇今游果爾弗吾欺百千億眼觀不足七
十二峯來悔遲喧寂解當同體處身心方是得閒時一條
白練從何去惟有雲巖靜者知

募修海潮巖

祖公一片閒田地付與靈泉自主張天遣五丁開半壁誰
教七日鑿中央上方鐘鼓潮音應萬里風濤海印光欲識
普陀真面目逢人惟勸解空囊

北山探梅與社中諸子訂買山之約

東林滿林花盡開北山之北何如哉故人留客不歸去許
我買山方到來茅店板橋好乘興凍雲老鶴休相猜明年
此地有賓主一日往還能幾回

將入丹霞留別同學

名山說著便精神夜東腰包曉問津老去尙能誇健足從
來不信有閒身嶺梅開日恩恩別嶽雪消時處處春我自
不留君不去中間得失問何人

贈劉旗峯明府

多生慧業宰官身神武抽簪著幅巾北面曾爲強項令西
方甘作折腰人俸錢買鶴清還白淨食調猿躁亦馴拋卻
簿書期貝葉心空從此不憂貧

彈子磯

薄暮輕舟過石磯重尋金彈沒苔衣而今大地無征戰不
用陽戈返落暉

欲買丹青寫十洲誰知莖草卽瓊樓眞山眞水無人畫笑
煞當年顧虎頭

識得山中更有山點頭頑石未曾頑修羅鑽入蝸牛角碧
蘚蒼苔處處閒

答關茂才子璿

之子信殊眾飄飄瓊樹枝相逢端水上不覺還山遲獨鶴

下高樹怒蛙喧一池囂塵滿天地何處可揚眉

峽江如淨練明月近中秋舍此不肯住無人堪與游遺愁
憑筆研借夢宿漁舟夢起各揮手白雲天際頭

送智峯禪者還丹霞

年來慧命似懸絲鼠啣枯藤信可悲老我無緣方退院憐
君有志乃工詩相逢不枉花前約後會難尋石上期想到
丹霞冰欲泮試看巖桂幾生枝

通容字費隱福清人本姓何杭州徑山寺僧

詩話費隱少孤十四離俗人依雲門次參壽昌博山
後謁天童悟禪師機甚契隨赴黃檗釋獲印記遂繼
席次移溫之法通武原金粟明州天童雲間超果語
水福嚴杭之徑山維摩鹽城永甯蘇之堯峯凡十刹
最後示寂福嚴

游鼓山喝水巖

巖上草色肥巖下水流急策杖上巖顛山空人獨立

聽月佚其名海甯人本姓查名繼薇杭州法相寺僧

詩話聽月生天啟間弟兄凡六人世亂家衰去而祝髮金道隱坐訪之有句云山影不隨流水去松聲猶挾怒潮來詩集莫可考惟周東白東軒雜鈔載五言古詩一首其弟亦依兄爲僧號雪萍

登天目遇雨

荒山無道路雲氣隨我身漸覺笠簷重沾袂細如塵幽花齊吐豔仙鳥羣相親泉石自太古耳目愈清新銀河忽倒瀉雲際垂天紳可望不可卽對立峯嶙峋陣雲如滾馬歸雲如懸鶉身立雲氣上看雲態彌真下山腳不韞細草藉如茵塵世日方杲陰晴氣不均試將山中景說與山下人
函可字祖心號剩人博羅人本姓韓名宗騅瀋陽千山僧有千山詩集

詩話剩人爲韓文恪日積子少負才名既喪父母一
意學佛崇禎己卯年二十九入匡山爲僧乙酉至南
都請經伯國變詠歌憑弔致亡國之戚及將南還爲
門者所持建京師下獄洪文襄文恪門下士也頗左
右之乃以此登彈事獄具成滿陽初至入普濟寺讀
經既愿主廣慈大甯永安慈航諸大刹苦行精修暇
輒爲詩自謂繞塔高歌正如風吹鈴鳴塔又何曾經
意竹垞錄七篇入明詩綜然集刻於康熙癸未竹垞
未及見茲用遺民例復採竹垞所未錄者著於篇刺
人在瀋陽久順治間李吉津呈祥魏昭華珣李龍衰
從季天中開生郝雪海浴先後以言事謫戍剩人皆
氏婦則不知爲中屢見諸君子蹤跡所詠李公贛陳
吉津爲龍衰也

春雨

春日無不可倏忽易晴陰春晴送遠目春陰生靜深垂簾
據半榻羣動不得侵殘卷落枕頭默默橫素琴檐霽發奇
響欲洗無塵襟風鈴溼不鳴禽鳥息高林耳目乃森肅今
古同幽尋孤吟從中來古木助清音雨止籟俱寂悠然獲

我心我心豈由物遇物屢悲欣起覓已無端微雲散遙岑
夜坐

久病長宜靜山中靜有餘況當深夜後積雪在庭除風枝
寂不鳴四壁蟲晏如星斗宿檐際微月淡空虛其時心腑
澄泰然廓吾廬雲影暫舒卷蕩滌返太初天地化爲水何
處覓吾軀

山境

山境只如此一一皆可悅有石無不松有松無不雪日夕
眾煙空微鐘上初月禽各靜其枝虎亦安其穴千峯一皓
然竟與人寰絕仁義屬榮華道法徒鋪歎我舌久已焦我
心久已決安得一二人把臂不須說

連雨

日知錄卷一百一十五
頑雲重霧裏城郭舊民新民慘不樂田中有黍誰能穫山
中有木誰能斲盤翻龜冷守空橐檐溜雖多不堪嚼老僧
一鉢久度閣出門半步泥沒腳紫蛇有光蝸有角抱書晝
卧腸蕭索庭邊杏樹驚搖落燕巢已破子漂泊眼前大地
何時廓遼海浪高勢磅礴願憐我尸填大壑毋使蛟龍終
日惡

憶江南

江南高座寺前對雨花臺臺上春風拂而來參差楊柳花
競開黃鶯百轉我心哀忽憶故山村底梅今年絕漠冰雪
堆髮白面皴骨欲摧村底無梅不歸去卻憶高座聽鶯語
初釋別同難諸子

終歲愁連苦生離且莫哀問人顏尙在見影意猶猜佛道

千秋重湯仁一面開明知予未死好去勿徘徊

初至瀋陽

開眼見城郭人言是舊都牛車仍雜沓人屋半荒蕪幸有
千家在何妨一鉢孤但令舒杖屨到此亦良圖

寒宵

豈必緣鄉國啾啾鬧肺腸天當愁處窄夜向醒邊長海水
流何極朋情散未忘以茲難得曉星月共蒼茫
只是不能寐尋思總莫干何人甘自溺于我竟難寬照雪
一鐙白迎風雙眼酸強眠仍反側非是畏衾寒

丙戌元旦顧家樓

多難還餘善病身栖栖終不怨風塵挈瓢戴雪逢遺老著
屐尋詩有故人夜雨暫將山色改年光又逐淚痕新遙知

鄉國東風早花信憑吹薄海春

生日

當年墜地卽嚴冬怪得邊城霜氣濃
孺慕終身思墓草君恩累代聽山鐘
標鞋獨羨陳尊宿飛錫真慚鄧隱峯
四十已過能幾日一生心事倚孤筇

皇天

皇天何苦我猶存碎卻袈裟拭淚痕
白鶴歸來還有觀梅花斫盡不成村
人間早識空中電塞上難招嶺外魂
孤雁乍鳴心欲絕西堂鐘鼓又黃昏

李公贖陳氏爲尼

學士行歌續婦吟驚回春夢起鄉情
解將腰帶文犀重添得空門水月清
雲鬢已隨秋霧散舞衣應逐雨花輕
翻憐

冢畔青青草不及紅蓮磧上生

聞錢君至尙陽堡死

相逢不禁淚淋浪忽訝音來我自傷一片心肝還日月五
更風雪裹文章黃沙隨夢歸香閣白水招魂入寶坊莫爲
中原難側足故將殘骨擲龍荒

贈赤公

幾年遼海自依依華表驚添一鶴飛瓶鉢已非形更瘦鬚
眉猶在事多違長邊無地容行腳盡日徼天幸掩扉韎韐
未裁磨衲破夢中還著老萊衣

題鐵嶺燕巢

雪公鐵嶺寓舍有燕巢從者嫌其沾污欲毀之公止焉燕呢喃若感遂移巢舍

旁公爲文以紀其事予感而有賦

巷口荒蕪舊路迷移巢將轂傍山谿未能仙嶠同高翮敢

向窮檐恨落泥似惜衣冠驚避遠難忘恩誼故飛低門前
便是鷹鷂集縱有雕梁未可棲

寄詵堡中吳子

莫爲飢寒瘦不禁三人惟爾絕來音孤僧有夢還應入羣
負寒鐙夜夜心

重入千山

偶然飛去復飛還幾見雲能離得山舊路依稀猶可認石
橋流水第三灣

萬壑千峯是舊知此回相見異前時寒鷂亦似曾相識兩
雨飛來低樹枝

雨中聽打鐵子唱吳歌

孤寺沙四圍曲聲從中起初發雨霏微須臾忽滂沛飄風

繞屋梁過雲雲欲墜鸞吹與鶯囀化作清商意神女朝暮
愁鮫人深下淚半夜彈箏篴河流終瀾瀾此地多野干鎮
日鳴不已願借清絕音一爲洗煩耳乍聽疑廣陵又疑秦
惟壯試問歌者誰云是打鐵子少小學閭門隨颺度遼海
無食澀歌喉揮錘涕如雨再請歌一曲末歌先掩袂宛轉
更悲涼增我流離思

湧狂遼東人干山僧

詩話剩人干山詩集後附冰天社詩有湧狂大鈴正
羞三僧之作其二爲遼東人遼東詩不易得遼東僧
詩尤不易得亟錄之

壽北里先生

短髮投荒又一年每逢山寺便留連
遠公自愛尋陶令吏部曾無識大顛
一片鐘聲和骨冷半邊月色可人憐
文章

節義渾閒事何日還題到白蓮

壽揅搔大師

土牀閒坐啜黃齋得句時翻經背題義膽久拚沙暴骨禪
心不學絮黏泥難期蘇子看羝乳長伴支公聽馬嘶塞外
無花拈雪示何人微笑各淒淒

大鈴浙江人醫巫間僧

壽揅搔大師

終年長許傍孤筇翹首雲飛第一峯瓶汲幾乾湘水浪魚
敲欲起鼎湖龍既收殘骨埋花雨又召游魂聽雪鐘五嶺
三山當此日清泉共酌祝寒松

正羞遼東人塔寺僧

壽北里先生

竹杖方袍人不疑蕭然茗椀雪來時枯桐未賣甯堪爨古
墨多殘足療飢已過虎溪難强笑欲投魚腹亦成癡但將
泡影看身世海角天涯月一池

止崑字豁堂餘姚人杭州淨慈寺僧有同凡草

詩話豁堂善畫仿元四大家見圖繪寶鑑王惲洋言其詩無蔬筍氣比之湯休帛道猷之流其鄉貫杭州府志以爲金陵郭氏子姚江詩存以爲餘姚徐氏子未知孰是

田家

田家無他望所望在平畦但恐終歲力不得遂其私何哉
造物者亦得厚我施夜來微雨過使我菜麥滋登邱一憑
眺秀色遠參差此時桃與李豈乏好容姿願予朴野性獨
與此相宜及時務耕作那敢貪天時

黃巖小橘甚佳喜題一絕

橘花如雪憶長洲
橘子黃時到古甌
多謝吳天憐夢遠
飛霜釀出洞庭秋

濟日字句元西溪僧有逸庵詩藁

詩話逸庵詩輕新秀逸不落禪偈窠曰黃相圖武林
先雅云逸庵不見於志乘徐紫山情波小志謂學士
橋側有笑隱庵老僧笑魯居之繼席者為翼庵其徒
彬遠奕是俱能詩考奕是名序鑑有肅隱偶吟錄此
逸庵若即係翼庵彬公不宜以兄稱之豈仿張籍之
於韓秦張之於蘇耶然彬遠有詩再送魯大師之虎
溪云一別匡廬又幾年夢魂長繞虎溪邊巖頭樹影
橫殘照洞口猿聲接晚煙瀑布雲深黃葉寺石林秋
老白蘋川五峯不盡蒼蒼意千里相思各一天據此
則彬公與翼庵皆笑魯之徒而翼庵即逸庵矣徐志
誤殆

寄嘯翁

毛子稱方外西溪兩大家爾詩應不忝吾媿實無涯蹤跡
溪山杳音書歲月賒相思一回首寒月在梅花

顯鵬字彬遠一字秋蟾號嘯翁永嘉人杭州東郊栖禪

院僧有村居詩

詩話徐紫山清波小志云笑隱庵又名法喜院老僧笑魯予童時見其自言從董宗伯其冒陳徵君繼儒游故其書法不落時蹊每朝夕往來橋畔意有所得輒賦小詩一日舉一鐙千古夢萬壑老僧寮二句示予是時予未知詩也後歸天台山年餘復來歿於院中其徒彬遠自稱嘯翁老人康熙初來卓錫於是院卒於四十七年戊子僧臘六十七世壽則不知也其徒曰青笠曾刊翁蘋洲詩嘯翁似明故侯之裔然不知其姓

題曹將軍水廟

斷碣依江口荒祠落照平人煙雙徑出古木一橋橫水國蛟龍氣靈臺鳥雀聲千秋功業在廟貌獨崢嶸

寄紫凝

參差亭榭歲華新湖上幽居傍水濱詞賦終能爲棄物桑

麻自可作閒人林光不斷飄殘雪草色無窮望好春婚嫁
少完兒女事早來東郭結比鄰

序燈字奕是杭州人有嘯隱偶吟錄

九日吳山讌集值雨次韻

吟懷未許老重陽霜雪無端入鬢長幾度白衣虛令節致
疑黃菊是孤芳野心一片湖雲外灝氣三秋海日傍山閣
若逢閻伯嶼方君詩思敵王郎

海遐字介旭宜興人

送友之吳門

東風吹柳拭煙輕折贈柔條空復情一望吳山千萬疊知
君只在此中行

同揆字輪庵吳縣人本姓文名果大理文殊寺僧有寒

揆詩

鼎湖篇贈尹紫芝內翰

丁丑戊寅間先公受知於列
皇帝遵旨改撰琴譜宣定五
音正聲被諸郊祀上自製五
曲命先公付尹紫芝內翰翻
內監琴張張奉命出宮嬪
指授琴學頒賜紫花御書酒
龍遇迨闖賊肆逆烈皇帝列
內池內翰恐御製新譜失傳
謁先公於香草垞言亡國時
年不復聞音耗矣癸亥秋余
見如夢寐意欲薙染事余學
佛余傷之爲賦鼎湖篇以贈

鼎湖龍去秋冥冥驚風吹雨秋山青白頭中翰淚凝霰叫
霜斷雁棲寒汀烈皇御宇十七載身在深宮心四海一朝
地老與天荒城郭依稀人事改當年刪定南薰曲內殿填
詞徵召促琴張好學直乾清先公屢賜金蓮燭雅樂推君
獨擅場望春樓下拜君王高山一奏天顏喜奉勅新翻舊

典章昭儀傳諭何諄切予賚先願女兒葛上林避暑撫絲
桐溫語貞娥遵秘訣流泉石上坐相邀薇省風情玉珮搖
神武門前輕執戟永和宮裏薄吹簫如意初殤淚沾臆注
皇五子悼靈王那堪又報河南失鈿蟬零落葬田妃池水蒼茫尙
凝碧寒食花飛不見春冬青塚樹斫爲薪煤山一片淒涼
月猶照疆場血化燐世間萬境須臾夢老臣剩有西臺慟
四十年來寄食艱何人再聽高山弄鑑湖南去雲門外古
寺松篁景晡靄維舟無意忽相逢恍惚夢魂同晤對夕陽
影裏話前朝天壽諸陵王氣消留得閒身師白足滿頭白
髮影飄蕭

大燈字同岑嘉興人本姓項洞庭西山僧有洞庭詩藁
秋夜宿八峰山房

黃花籬下亂蛩鳴古寺秋高嶺月明夜半石牀清睡去不知枕上落泉聲

蔭在字香谷號橙庵吳江人本姓皇甫諸生妙華庵僧有香谷集

潘喜曾曰予與香谷師事實雲香谷少時手鈔濟南詩選揣摩聲律西廬先生見之曰子欲爲詩而讀此不畏烏附入腸乎因授以窮經探史之學遂以詩鳴實雲嘗云詩文家有生死兩路若走入死路縱極工麗亦翦綵之花耳嘗手評韋蘇州陳后山詩以教學者故游兩先生門者皆能自拔於風塵溷濁中而香谷尤超然直上者也

詩話香谷順治丁亥始爲僧其自述有九齡失所怙十一脫塵屣句後參月涵於補舡有三十遇異人授以讀書祕句後之海昌旋歸雙林寺有廿七聚杪林同心得三四句乙巳冬隨堯封月之湘中以病目先歸有廿九走瀟湘山水窮興致句丁未復至雙林以患激結歸卒於妙華

漁村

枯藤絡危石，略約不可渡。漁路淡如煙，煙中有人住。忽聞欸乃聲，長短自成句。棹入明月灣，幽村隔雲樹。蘆花風蕭蕭，秋水飛白鷺。

訪隱

問盡採樵者，無人知隱君。萬山最深處，相隨惟孤雲。

本源字兀庵湖州人

過王湄菴舊居卻寄郡城

菴城摩詰在，久不住嚴阿。白日攜筇到，青山送客多。林空一片月，澗落萬重波。知我無如子，秋深幾度過。

大甯字石湖錢塘人

寄胡柏菴

時有渡江夢，孤懷歷歲深。澹雲歸鳥意，春樹野人心。岸草

青連屋山花紅滿林好知千古事明日幾回尋

大成字笠庵醴陵人

山居

一株兩株老松青松下結箇小茅亭三日五日來一次肩
荷榔栗手持經讀經讀到山月出聽松聽罷天落星適然
拋卷松間卧夢與松根乞茯苓

雪峯青浦人本姓沈名浩然字東生諸生

春日訪超果青壁禪師賦贈

步履重來此幽期隔歲年梅香寒雨盡竹密碧雲連竄跡
沈痾裏開襟老宿前春星今夜黑不覺燭花偏

元志字碩揆號偕巢鹽城人本姓孫厯主禪智寶輪三
峯徑山靈隱祖庭

詩話碩揆父陞任俠爲惡少所害手利劍數年卒刃其仇祭告父墓遂依具德禮出家參究有省圓機慧辨孤行側出厯主禪智寶輪三峯徑山靈隱祖庭著七會語錄

送錢聖楨赴佟方伯楚幕之招

江月照孤舟有客鳴素琴天風指端起調高思何沈借問所念誰楚國有遺音庾月南樓好陶柳西門深羊公峴山頂今有誰登臨思欲一相訪芳蹤何處尋尋此亦云易遠行難爲心

玉宇祖珍號石堂別號古翁又號菊林主白雲普照資慶諸寺有石堂集

次官雪眉刺史韻

投老歸邱壑竹中門嬾開嵐光掃不去雲影拂還來花發蜂爭蜜齋餘鳥下臺層巖懷故舊日上雨三回

游范靖赤南莊

曙色踐雲背乘驢下岱岑爲尋南郭子偶度北城陰相見
忘賓主傾懷恣笑吟素磁傳茶竹共慰出塵心

天河

誰向青天建禹功一河高鑿勢沈雄兩崖星似人競渡萬
里光如練埽空靜對霜庭思汗漫偶逢月夜影朦朧靈槎
何日重相訪獨指仙源一放蓬

偶成

住山不得意多爲山有名安得無名山寂寞終此生
行到無人處山深雲更深一泉藏眾石悠然見古心

蜀喬斗山僧

詠史

花盡春闌閉草廬從容論古寸陰餘漢朝興廢憑三傑楚
國存亡出二胥有客逃名身似葉何人彈鋏食無魚安貧
老初忘年月一枕松風夢亦虛

道賢字放眉號寄庵徽州人本姓蘇興化黎庵僧

訪蔣虎臣居士

孤亭雲外落坐擁萬山秋海色連京口江聲過石頭何人
成隱遁與子獨相求古寺多紅葉誰能無事游

性休字尺木明宗室後人

漁父圖

東西南北任遨遊萬里長江一葉舟夢裏不知身是客醒
來大地忽新秋

晚晴移詩匯卷一百九十五終

晚晴移詩匯卷一百九十六目錄

釋子

元璟 三十首

曉青 十九首

惠元 十一首

元度 二首

髡殘 四首

道濟 五首

宗渭 三首

宗元 一首

然修 一首

大悲庵僧 一首

超際 一首

超羣 二首

際智 五首

明愚 二首

寂鐙 一首

上睿 一首

生庵 一首

慈际 一首

通琇 一首

通際 一首

通問 一首

通忍 一首

通門一首

悟持一首

大健二首

顯謨二首

超源五首

超鏡一首

超拳二首

明中二首

篆玉一首

祖琴二首

興機一首

德暉一首

德新一首

然明一首

廣濟二首

海岳一首

德溥四首

行宏一首

行湑四首

行悅一首

行定一首

行愼一首

行荃一首

行泰一首

行徧一首

行照二首

行鑒一首

超慧一首

名一首

晚晴移詩匯卷一百九十六

釋子

徐世昌

元璟字借山號晚香老人初名通圓字以中平湖人化
成庵僧有完玉堂集

王阮亭曰嚴滄浪以禪論詩千古不拔漢魏陶謝以
及盛唐自牛上乘也大厯以下逮乎宋元羊鹿等車
也借公從儒入釋勇猛精進蚤歲間道又能親炙作
家虛懷訪問善於運化自會稽入都以詩來贊讀其
詩如其人信乎鈍翁稱許爲不謬其筆秀骨清造境
閒而遠悟性空而蘊蓋有得於蒲團竹簾之上沃以
煙霞神韻此真禪河香象也朱竹垞曰向於秋嶽
先生處閱東湖六子倡和集迺知王右軍湖陸叔度趙
退之錢棼拙之後其流風逸韻猶有存者借公英年
好學才情清俊能標舉頡頏其間王午過余梅里索
題廬山畫卷長歌見贈沈雄頓挫有草蛇灰綫之妙
卽陳屈見此亦當割席逕坐故酬以絕句云方外誰
傳正始音誦師長句一披襟試看

碧海掣鯨手已覺年來苦用心
詩話借山早入空門徧參濟宗諸名宿自云厯十六
寒暑始得虛空撲落知其本分事已透徹穩當平生

游歷南北足迹半天下詩體屢變而愈新國
初諸老咸推重之知於此道亦三折肱矣

武塘吳文昭爲余寫行腳圖戲贈

人物名家舊姓吳一枝神筆近來無趙州故事誰相委寫
我青山行腳圖

眼多青白面無文鶴骨何妨瘦幾分竹笠芒屨多逸韻超
然一片入山雲

霜華欲白月輪低隔水思君玉觀西哦就小詩聊作答爭
如孔雀換山雞

送顧雲馭廣文之太平

絳帳南行吾道東錢唐江上鯉魚風百年儒雅推名世三
絕風流屬老翁天姥閑游聽虎瑟石華戲採躡蛟宮夢游
天姥吟虎鼓瑟今驚回車謝靈運有揚帆採石華之句來春擬著謝公屐華頂同看

初日紅

黃鸝二首似杜湘草

新晴碧柳著煙輕並坐交鳴最有情
記得酸風吹箬笠段橋陰裏雨三聲

桃花如雨草如煙第六橋邊劇可憐
分付江南飄蕩客不須更唱鷓鴣天

西溪結茅奉酬蟄園翁先生

入山媿未入深山黃茅一把叢翠間
埽花飼鶴起我早了無別事分餘閑
西溪溪水白於絮舊是先生垂釣處
茶煙竹粉滿溪香不礙輕鷗自來去

惠山寺品第二泉

山水洵有緣茲行愛風便帆峭五兩輕
百里如劈箭爰訪

惠山泉先游惠山院惠山青崔嵬泉聲繞殿轉華柳吐雲霞朱甍映藻茜古樹發新綠竟體裹蒼蘚徑造泉上亭鑒斯癯仙面亭泓竇方滿小汲癭瓢澣碧乳花尚浮寒玉香不卷一酌已灑然再漱冷然善平生淡泊腸盡化爲冰霰昨過揚子江中冷渾莫辨僧寮曾淪試虛名怪獨擅鴻漸昏老子舌本何其謏錯品落第二千載徒扼腕況我枯槁人回首重眷戀定攜折腳鐺住老龍山礪竹鑪煮松風雪甌點秋片月取三百斛日與詩魔戰

西湖竹枝詞

段橋一段可憐春草似裙腰柳麴塵明鏡不流山色去畫船多載醉歸人

鄂王祠上夕陽西于公墓下杜鵑嘯莫話南征與北守雲

消雨歇兩峯齊

紅橋曲曲放生池春水初肥春日遲何事繫人情最好金錢買餅飼魚兒

煙紫莎青風力微紅鐙水面酒船歸阿誰好唱伊涼曲驚起鴛鴦相背飛

喜黃梨洲徵君過鹿峯

諸生方埽講臺花更昇籃輿到若耶正是可憐寒食後烏巾白髮倚風斜

華亭雜感

木落霜清白苧城暮砧纔動旅魂驚攬衣力盡秋星影訪舊聽殘鄰笛聲盞手有神同鶴瘞

陳彥達

詩壇無主散鷗盟

董枋亭

青溪一曲紅橋路今日何人肯好名

不見風流柯九思周郎詞曲慣傳奇

謂冰持新製樂府

人情未必

皆如此吾道紛然孰可爲賜月偶尋黃犬豕臨波難辨赤

烏碑菊花亦似多愁物一夕催人上鬢絲

蓴絲菰米及時鮮便擬吳淞買釣船暝鴉灘聲來枕畔橫

雲山翠落檐前談諧名理青松塵鈔借奇書白玉牋閒到

四賢祠下坐竹風青冷月孤圓

四賢祠在超果寺西來堂

一片孤雲何所依夢魂只向越山歸千盤澗道雪浮屐十

里松門翠撲衣霜栗遙知猿采熟肉芝怕被鹿銜稀自嗟

躑躅風塵久不耐登高送雁飛

買山計左媿支郎一笠重來二陸鄉秋後雲林多瘦碧愁

邊煙月易昏黃催詩葉落梧桐井攪夢蟲依薜荔牆圓柳

滄波眞浩蕩歸心輕逐白鷗翔

題畫酬朱雪田

松雲杳靄水潺湲絕似雲門深處山從此把茅吾喪我懶
騎白額到人間

得山同門五十

阿兄苦行如迦葉重整青蓮古道場說法肘懸三要印卷
簾風散四花香曾原好夢稱鴉子多分前身作雁王迦文
因地
中曾爲雁王阿難爲雁子
同受患難故世爲兄弟夏臘數來剛半百未妨小弟學
韜光

漂母祠

漂母祠堂古尙存萋萋衰草帶城根漢家斗大黃金印爭
及當時一飯恩

鄧尉探梅舟中同惠仲儒程筠軒作

婀娜輕帆日載陽靈巖山翠接橫塘與君約束紅藤杖飽
領梅花廿里香

撰取良晨作勝游三人同載木蘭舟東君作意加裝點柳
色鵝兒水鴨頭

橫塘西接采香涇三面都圍蒼玉屏要與松枝了公案先
吟詩句報山靈

夕陽明滅亂山椒水畔寒香陣陣飄何必更尋花處看銷
魂只在虎山橋

登天封塔

雄鎮東南一柱存凌虛日月手堪捫天開地扼山形壯風
吼潮來海氣昏曷下神龍無數繞鐘前怖鴿幾雙翻鬣帆
珠舶蒼茫外認取青尖入此門

磐陀石

擎出波心手掌平
我來趺坐證三生
善財參後無人到
閒殺峯頭雪浪聲

南亭畫扇三橋索題

病裏心情儘自閒
碧雲紅樹掩雙關
瘦腰一把憑烏几
只寫元人沒骨山

寄松雲菴主

無端鶴夢隔松風
黯黯孤鐙綴玉蟲
萬種愁絲人在北
一腔情事水流東
花前願曲何曾誤
月底連吟每許同
安得碧天雲捲盡
藥船倒瀉落霞紅

英德道中

倚舟應接不能閒
變化新奇在兩間
說與畫家多不信
英

州山勝米家山

曉青字確庵主蘇州華山方丈有高雲堂集

宿東山

東山何幽深草木抱奇秀古柏動蛟螭奔湍兩岸吼斂履
入茅叢石嶮步難驟盤曲上青空冷風滿懷袖柴門望中
閒籬疎犬忽逗斯須逢一僧貌古鶴憐瘦蓬檐就地形刻
竹通泉溜落英走庭隅池沫魚吹縐磁盃飲菰糜齒向冰
潭漱客讌主益恭無乃過予厚主曰豈其然予心如在疚
苟不恚粗疎庶可寡其謬元言互酬咨妙理絕膚受中夜
溪鳥飛天空月當牖

擬寒山子一首寄姚芬若

別君未月餘情思一何渺雨夕頻夢君宛在松門道花雨

晝濛濛深綠鶯囀小於時見君來坐石漫傾倒贈我以加
餐勸我歸必早予卽前致辭爲言山水好感君促歸期常
恐及秋老有身難奮飛卻羨空中鳥遺書慰高堂鐙前復
草草枕落忽驚翻千峯月初曉

擬孟東野

露寒月色苦夜靜秋聲急客子隱不眠中心萬端集饑鳥
亦知嘯枯魚亦知泣今古無眞情黃金鑄顏色

山舫吟

狹路忽相逢欲讓如何得彼此各爭先必至同傾側于中
有一人退步行幾尺不惟他躍然已亦成讓德苟能持此
心遠足行蠻貊是以讀書人理勝則明白愚賤好用專悻
悻不能釋格鬪起微嫌評論緣膠執天下互紛紜周道何

會直翻思古之人感慨今之日

狼山觀海

一片濛濛太古色翠鳳青鸞開羽翼捫蘿躡屐步步奇天
地文章入胸臆松檜森涼鳥道懸凌空素手揮雲煙僧伽
塔中悄無語縹緲風鈴時一喧樓臺煒煌逼天關近海猶
疑蜃氣結洄混瀨潰窮秘區此中洲島難分別天水微茫
古至今颶風濤滾當晝陰卻瞻向望兩失據駭慄膽魄神
駸駸蓬萊仙山渺何許我欲從之學輕舉長揖塵氛謝世
人眼前齷齪將辭汝

雨後漫興

雲山一段畫秋雨來奪之模糊米家村墨汁方淋漓老顚
瞥然見狂叫歎絕奇使我有意爲必不得如斯躍然攫之

入懷袖黃金白璧不肯售造化小兒真幻師換人雙眼當
晴晝

古店曉發留贈主人

曉行殘月在楊柳數家村遠客懷鄉邑孤舟漾夢魂日歸
仍泛梗所適定誰門不厭頻來過知君雅道存

山行卽事

意欲窮幽趣聊爲野外行遠煙難辨樹斜日易催耕倚杖
觀泉脈穿林得鳥聲斷隄回首處一帶暮山橫

過落木山人荒塚有感

芒鞋溼寒翠拄杖下層巔所至亦隨意相逢皆暮年塚存
三尺土松作萬家煙道殢仍相望踟躕欲問天

庚申元旦

又是從頭起無端笑一新盛衰何預汝冷暝亦隨人有面
將迎壁忘言莫問津祇宜梅與石同伴寂寥身

過尹山訪王咸中

咫尺東皋在懷人正夕陽微茫山色遠咿啞櫓聲長短鬢
慚鷗白圓沙聚鴨黃年來漂泊慣客路似家鄉

舟中曉起望洞庭山翠

月出五更初解纜起看蒼翠滿船頭漫嗟白髮隨年長更
覺青山似客浮橘柚有香清接路煙霞無跡冷酒秋近來
我亦思歸隱欲訪毛公結伴游

南峯石門

寒翠撐空劈一門細藤叢竹互生根虛亭吐納雲霞氣古
篆銷磨風雨痕照影野棠垂廢井無情芳草上孤墳於今

誰復憐神駿，慚媿支公跡尙存。

送陸企蘇入都

雄談滿座盡傾聽，獨拔詞鋒近發硎。
漫請丸泥實函谷，爭看聯壁重華亭。
幾叢煙樹天邊綠，一簇雲山雨後青。
此去層霄宜自奮，直教鵬翼化南溟。

舟泊漢陽憑欄眺望，問鸚鵡洲所在，鄉人云久已不可問矣。愁對煙波，漫成近體。

芳草仍留鸚鵡名，千秋遺恨實難平。
江搖隔岸紅燈影，舟集通宵白浪聲。
冷暎自知孤客意，陰晴叵測上天情。
無聊咄咄書空坐，怪事浮雲污太清。

感范陽公近事也

過水繪園留贈冒辟疆

澹蕩園林水繪成，天光溪影弄新晴。
主人領得春風意，小

蝶沿花趁曉鶯

出水芙蓉映綠波
清涼臺榭晚香多
胸中自信無煩熱
門外何妨有雀羅

平居至性愛孤騫
幾擬爲文弔屈原
欲采芙蓉秋水闊
寒裝彷彿到湘沅

何須別置小山幽
身世俱成不繫舟
花似美人憐月色
引人清夢到羅浮

惠元字訥園長洲人有來鶴庵詩草

題沈別山園居

種樹繞溪頭爲園就山足
夜靜月上扉春深花覆屋
幽情旣滿抱採香自盈掬
主人樂偃眠牀頭酒新漉

月

月色浸虛窗
梧風亂湘帙
果落嶺猿爭
草深水螢入
愛此一輪好
相看如舊識
披衣下庭除
獨傍松根立
顧影還自憐
人若不努力
覽此盈復虧
方之得與失
况我巖棲者
於中本無得

送傑上人歸四明

天台最奇峭
不與人閒通
崖斷澗千尺
石梁架虛空
羣峯發雲表
如涌蓮花叢
鶴巢古松頂
龍吟陰澗中
招提結微翠
鐘梵隨溪風
花木四時變
巖谷千秋同
君將歸草廬
乃在赤城東
相送出林麓
曉日初瞳矇
矯首吳江頭
越嶺青無窮
儻或遇寒拾
爲余謝二公

寓秦對巖先生園

江接胥水山圍秦
伯城芳園叢木暗
細路野花明
客到

溪雲合吟成春水生名泉攜汲便日日聽茶聲

送王次令入都

青嶂一回別黃河千里程念君臨遠道何日到神京暮靄
羣鴉集西風隻雁鳴天涯離索恨吹入晚潮聲

送白上人還越

君將歸舊隱相送出東林一錫幾時到千峯何處尋雲門
溪路遠天竺冷泉深若渡錢塘水雙魚慰好音

送介上人別

幾人稱避世羨爾獨彌天漫擬青蓮作還參黃檗禪鶴迎
過嶺錫龍護渡江船他日蜚聲在新詩次第傳

送孟德懋

四海無家者惟吾與使君已憐成浪跡豈忍復離羣驛路

兼秋雨關河隔暮雲前途逢九日最憶孟參軍

過舊游有感

奇不盡良友好山皆故鄉見時應下拜去後總難忘殘日
染寒翠秋風吹古香昔游空剩跡塵佛閑虛堂

送朱有枚之金陵

玉勒蕭蕭踐綠蕪王孫游騎出姑蘇黯然欲別看長劍行
矣當歌擊唾壺禪室自開歡喜地畫船爭渡莫愁湖江南
處處花如綺一路春風聽鷓鴣

胥江春暮

蕭蕭鄉路往來頻一度看花一度新病裏無端過好景客
中又復送殘春蘇臺歌舞銷魂夢茂苑芳華付劫塵只有
隄邊楊柳樹年年長拂渡江人

元度歙縣人本姓王名尊素主江都福緣庵

卓子任曰元度少年放浪詩酒晚依山翁大師於靜
慧院待坐之次元度遂巡起曰弟子茫然求師開示
適有以茶果進者師取一栗啖之元度拱而立捧而
持師顧之日子不茫然遂有省滄浪云詩中有禪元
度之
謂歟

平山堂看荷

雲水無消歇平隄尙芰荷棹歌隨意住鳥語不能多山遠
迷秦望天低近汨羅老僧如舊燕補屋又來過

八巖關

天險因時設居然百二同六師才出牧一旅漫言功草木
愁煙裏車徒楚雨中茫茫孤戍意不敢泣途窮

髡殘字石溪一字介邱號電住又號白禿自稱殘道者
武陵人本姓劉住江甯牛首寺

詩話石溪畫境奇逸張蒲山稱其造元人勝概蓋從蒲團上得來所以迥不猶人國初方外之畫與石濤並推二絕詩境之高渾正可與畫同觀

怨歌

春風吹綠草草綠傷人心殘花落便落瑣碎霑衣襟
寒食清明前開門不敢覷雖非桃李花正是傷心處

重寓松濤菴

荻花裊裊隔村煙秋水柴門半暮天何意我來重話舊葉
舟橫渡雁聲前

古意

塵琴幾眉巔知音何寥寥埋骨易水旁俠士魂難招物性
不可違豈必漆與膠常恨士不遇白首空蕭騷

道濟字石濤號清湘老人又號大滌子又號苦瓜和尚

又號瞎尊者又號石公上人靖江後人明楚藩後

詩話石溝道行超峻善畫知詩而畫尤著王麓臺嘗云大江以南當推石溝爲第一晚游江淮人爭重之

舟至八閘爲友人作畫

舟行將八閘湖水盪無涯漁艇千家岸蘆花一色沙

臨清過閘口號

地傾水瀉須憑閘千里雷車信怒舉捲浪拋開珠散彩崩
空舞碎雪分濤七十二門向北牢東歸此去漸憑高錦雲
旋繞織秋袍仙障中分虎勢條鳴鑼擊鼓壯滔滔行人駐
看躍淵艚飛帆擁簇駕圖旄推窗捲幔得揮毫

故城河口號

千迴百折故城河東傾西長分嵯峨白楊灌木參天柯處
處成行古道麼古冢荒碑廟逶迤水流浪打雪狼窩行路

之人嗟歎多崢嶸斧削飛巖坡樓船畫鼓快如梭錦纜人
來寸寸呵歸空糧艘爭天摩歌聲歌徹青雲和

與友人夜飲

憶昔相逢在黃蘗座中有爾談天舌卽今頭白兩成翁四
顧無人冷似鐵攜手大笑菊花叢縱觀書畫江海空鏗光
晃夜如白晝酒氣直透兜率宮主人本是再來人每於醉
裏見天真客亦三千堂上客英風竦颯多精神拈秃筆向
君笑忽起舞發大叫大叫一聲天宇寬團團明月空中小
爲友人寫春江圖

書畫非小道世人形似耳出筆混沌開入拙聰明死理盡
法無盡法盡理生矣理法本無傳古人不得已吾寫此紙
時心入春江水江花隨我開江月隨我起把卷坐江樓高

呼日子美一嘯水雲低圖開幻神髓

宗渭字筠士又字紺池號芥山江南華亭人有紺池小草

詩話紺池少學詩於朱荔裳中年後游尤西堂之門得所傳授嘗謂門弟子曰詩貴有禪理勿入禪語宏秀集雖唐人詩實詩中野狐禪也即其議論可以視其品格既小雲云紺池上人鳥曉黃葉寺僧語夕陽橋十字可云詩中畫畫中詩也

橫塘夜泊

偶爲看山出孤舟向晚停野梅含水白漁火逗煙青寒嶼融殘雪春潭浴亂星何人吹鐵笛清響破空冥

次韻酬九來

風急樹蕭蕭思君夢易銷鳥曉黃葉寺僧語夕陽橋得句霜鐘度安禪佛火燒十年詩律苦珍重貯山瓢

重過海印庵

三年重向虎谿游石路依然碧水流
鳥背斜陽微帶雨寺門衰柳漸迎秋
弟兄誼重難爲別師友情深竟莫酬
歎息此身閒未得天涯明日又孤舟

宗元字埽葉江都人清涼山僧

詩話查二瞻有贈埽公詩云拈花久豁天人眼埽葉常留解脫心何似無花併無葉千山明月一空林
此詩想見其人品之高

柬魏惟度

小雨山樓不斷飛問君何事掩雙扉
少焉雨歇鐘初起送得書聲過翠微

然修字桐皋長洲人

金山

蒼茫落日下藤蘿身在荆關畫裏過飛去斷雲雙白鳥浴
殘寒浪一青螺斬王有廟疏煙冷郭璞無墳亂石多千古
寂寥俱莫問且聽江月送漁歌

大悲庵僧

詩話康熙六年丁未正月十六日大悲庵前有僧人
自言卽日焚化僧置木龕於地徧辭街坊坐入龕內
具紙筆於前題一偈曰無拘無束不清不濁放倒皮
囊正月十六又書七律一首云云書畢將龕門手掩
火發於內須臾示寂是時觀者數千人卽有然香羅
拜者此僧向不知何處棲身亦忘其名號今從容坐
脫亦禪門中有手眼者

絕筆詩

道我狂時不是狂今朝收拾臭皮囊雪中明月團團冷火
裏蓮花瓣瓣香好向棒頭尋出路卽從業海駕歸航滿鑪
捐柚都煨燼十字街頭作道場

超際字衍鑑通州人西陀嶺僧有煙波閣江梅詩

詩話衍鑑少孤淨室中恆懸母像人間之日佛也知者叩之則流涕以告雍正甲辰年九十除夕成詩有茲宵獨坐懷親墓六十年來客異鄉之句王子春卒葬嶺側

馬鞍山過寒巖大師

攜筇獨入翠微閒老樹青山愧此顏倚檻靜看花落去聽泉常趁月明還鶴歸峯頂松濤寂磬出孤雲石洞閒欲訪遠公成夜宿寂寥清夢繞禪關

超羣字紫仙號雪堂徽州人本姓程天甯寺僧

詩話紫仙至孝時哭泣思親或謂其不能解脫日如來示寂尙有母說偈况後人乎聞者媿服

埽先慈墓

慈母多笑容至今不敢忘豈意拜墓時松柏參差長遙憶兒嬉日瞪目徒心傷一思分我食載思縫我裳昊天宜罔

極延佇何徬徨挂紙聊復去落日沈高岡

九日

佳節偏多雨翻增旅客愁高堂虛白日空谷自清秋世上
無相識天涯亦浪游故園今日菊誰插老親頭

際衡字愚庵江西人祇山寶林寺僧有莖草堂集

詠新竹

此君志欲擎天碧聳出雲頭高百尺只恐年深化作龍一
朝飛去不留跡

重游迴瀾寺

百里支筇再到游詩人元自愛探幽不須買得村頭酒醉
殺滿庭黃葉秋

名山自古號迴瀾信是鈴陽第一觀上下蒲帆輕若葉游

人好作畫圖看

游朱陵觀

洞天三十六於此最稱奇
高閣飛雲入斷橋流水嘶
鳥鳴談道處花落煉丹池
仙去多遺跡低徊動感思

庭芳同學受法詩以寄之

自從合派泉邊別地北天南各一方
仍向龍須同法乳新詩特寄兩三行

明愚字愁初一名栗隱別號放愁嘉興人本姓陳天台
山僧有結茅集

山居

參到真空妄始刪此心猶未盡緣攀潯浚底仍知水層
疊雲中尙見山世有萬般趨熱惱我惟一昧向清閒兩頭

坐斷中何立方契宗乘最上關

到天居偶作

卷上疏簾便見天用心多錯悔從前是山是水原如此非
我非渠總湛然宿業銷除塵不染新機顯露理俱全光陰
真歎如駒駛一瞬息恩恩六十年

寂鐙字天放鳳陽人明楚藩後裔住儀徵東園十笏庵
葛洪洞

山色搖光入袖涼松根風細茯苓香局殘柯爛人何在深
洞寒雲鎖夕陽

上睿字溥濬號目存又號蒲室子吳縣人少脫白瑞光
寺後居東禪寺

詩話目存受畫法於石谷工穩中獨饒秀逸張瓜田
推爲能品在宗門中爲傑出詩亦工秀會與惠紅豆

諸公結社唱和
惜傳者不多

題簪花圖

莫摘濃香壓鬢鴉
懶將時勢鬪鉛華
他年得入維摩室
不許簪花許散花

生庵字合虛丹陽人

出家時答伯兄見虛

遼東白鶴歸來日
不記人間幾歲華
庭內已分連理樹
堂前須種解憂花
相思頻寄雲中雁
得句空鏤江上沙
欲覓當前乾淨土
可知安養是吾家

慈脉字阿脉號笠居一號不庵又號井人福建人住江甯碧峯寺

憶洞庭吳不官

貧賤亦行役風塵了不關心如太湖水家在洞庭山作客
有時倦吟詩無日閒泉臺遇同調曾否憶人閒

通秀字玉林江陰人本姓楊

江行

天地本無礙乘風且浪游岸疑隨舫動星故逆雲流小憩
閒臨水高吟晚上樓甯知人代裏不復有丹邱

通際字山茨號鈍叟通州人本姓李

除夕

半生埋澗壑幽事逐清真煮雪消殘夜推窗見早春得教
雙眼闊不厭一身貧坐撥鑪中燼紅輪特地新

通問字箬庵吳江人本姓俞主金山龍游寺

周逸休鴻臚見過

龐眉不減鹿門風杖履欣從世外通共對落霞追野鷺正
宜秋色醉冥鴻一漚禾發機方息萬夢俱醒劫始空把臂
莫辭煙路遠好山青送夕陽中

通忍字朝宗常州人本姓陳主西江寶華寺有自白指
迷迅輪諸集

贈倪端甫

處士高風山並高浩歌多半是牢騷可憐冠蓋今何在剩
得南村一布袍

通門字牧雲號樗叟常熟人住秀水古南院有懶齋集

懷州隱

落花寂寂鳥雙雙新竹成陰綠滿窗夢聽潮聲來枕上幾
年不得到婁江

悟持字允修吳江人住持無礙寺有竹窗詩鈔

遣意

小幄鐙翻夜影寒年來已泯舊悲歡事無過望心常穩世
可相忘夢亦安插架任教千卷破囊空何用一錢看衡茅
擬築楓江上吟盡西風萬木丹

大健字蒲庵江甯人有花笑軒集

見遠山殘雪

已覺寒威去猶瞻雪在山清深通竹路虛白映松關片石
能相偶孤雲無此閒好將寥落意指點到人間

杜茶村見過

蘆荻晚蒼蒼煙嵐在下方蘭舟維此際萍跡任他鄉風浪
磯前大僧衣世外長艱辛今夕會江海意難忘

顯謨字言成吳縣人

山房同端日遲蘭公不至

林下掩荆扉白日忽已暝松風陰壑生淅瀝寒秋聽相對
澹忘言詩成禪侶定期子不我來寂寂孤雲徑

東陸長卿

爲別亦何易山山盡是秋曾期過一夜不見到孤舟風勁
葉離樹月寒人在樓所思湖水闊清夢得同游

超源字蓮峯自號紫衣道人錢塘人主長洲怡賢寺

沈歸愚曰蓮峯詩描摹王孟舉釋典元妙融化出之
殊有空山冰雪氣象蔡芳三曰子向於故友程風
衣座上識蓮峯上人歲壬戌子館於同川偕袁生質
中至怡賢寺訪之時上人在淮悵然而返今夏上人
忽過訪問何以至此曰年來厭喧殊甚此間香岳居
頗清淨聊憩息焉因得其未飾集讀之悠然如雲出
岫明然如月印潭舉釋典元妙之旨擺脫而融化之
一若王孟陶謝亦復去禪不遠者遂與質中挑鐙朗

誦時雪初霽天風入樓萬籟俱寂清光冷冷千里一
碧嗒然冷然不知此身之在塵世質中語子曰此未
節之詩境乎子與
蓮峯皆相視而笑

夢故友程風衣

春雨何淅淅春雲更沈沈程君已隔世宵夢來相尋自言
身朽心不朽象外風月皆吾友從前膠擾海天空祇是泉
臺無美酒斜陽煙柳門前溪欲別不別重牽衣寄語淮陰
小兒女我今野鶴同飈飛

友人枉過開化寺

青眼多情客攜朋問暮秋人同山共瘦時與水俱流黃葉
迷村路清風滿寺樓荒涼郊外景肯向錦囊收

題畫

春浦風生柳岸斜好山何處著人家白雲遮斷橋西路不

許漁郎問落花

登昭陽拱極臺

寂寞昭陽客時登拱極臺故山何處是孤雁帶霜來羨彼
收綸者悠然鼓棹回城頭秋草路蛩語爲誰哀

宿長安乾明寺

湖村開晚霽紺殿露秋林鼓棹滄波遠到門黃葉深茶煙
禪榻靜松月客堂陰一宿乾明寺空諸萬劫心

超鏡字曉堂無錫人住持古洞庵

洞庵雜詠

枝柯挺秀勢參天耐雪經霜不記年試問當初誰種得
然一鶴古巢邊

超拳字艷山無錫人本姓周有梧影山房詩

詩話絕山結庵邵尉曹蒲潭與諸名士結寒香社庵
有古梅超拳架木爲巢與客對奕其上遊人採梅詣
其處每於花下
聞丁丁落子聲

山居雜興

烏宿依窗樹雲生對戶山機忘心自遠境寂意俱閒花落
門常掩苔深徑不刪松風連暮雨雙澗瀑潄潄

香畱庵落成

萬山深處卧煙霞收拾閒身老歲華晴日曉開雲嶺樹清
泉夜走月灘沙工詩愧我非齊己學道何人是永嘉從此
罕聞塵世事編籬繞屋種梅花

明中原名演中字大恆又字焚虛號嘯巖桐鄉人本姓
施嘗侍 世宗講禪學雍正乙卯放還晚年住持杭
州淨慈寺乾隆乙酉南巡賜紫有焚虛大師遺集

詩話肅嚴與杭堇浦梁山舟諸人唱和多清妙之作
長於五言世傳其虎邱云情知無味話敢對石頭看
送人歸山云不因真箇癩那得許多閒雨中
送春云落花成小劫流水悟前因皆雋語

宿萬峯精舍

我身如孤雲去住在空谷偶來萬峯頭意倦便一宿水涼
山影沈樹暝人煙簇夜靜吟蟲秋聲散叢竹愛此風味
清得句一燒燭

題畫

黛色連修林春曉破煙靄時從湖上看偶與幽意會白雲
何娟娟奇姿不可繪遐思輞川人展卷坐相對觀妙各有
得喧寂兩無礙聊以物外心參之畫三昧

篆玉字讓山號嶺雲仁和人西湖南屏萬峯房僧有話
墮集

自西泠至東湖夜集張徵士

雲錦

藝舫

吾杭饒野趣平遠遜東湖海控天爲岸星繁水弄珠昏黃
城不禁酣暢話多殊明日遲歸棹留詩待補圖

祖琴字古音安東人

鄧孝威曰古公精佛典兼通風雅住山數十年雲影江聲與爲晨夕論者以爲在遠公皎然之間

過披雲室贈字公

半畝松筠半畝溪茅庵背結板橋西聽鐘夜坐山前月汲
水時澆屋後畦野客不來雲轉靜秋花競發路還迷石屏
一曲和煙綠還撥蒼雲覓舊題

雨後待汪扶蒼暇茗不至有懷

草色青青門未關茶鐺閒煞曲廊閒應知不下松邊閣坐
看江南雨後山

興機字震巖太原人住江甯天界寺

辭雲門梵林禪師徵詩入選和元韻

孤踪只合孤峯老縱遇花時不去探狐首死惟甘向北雁
聲悲是梅來南已將名共顛毛削肯把詩同里巷談多感
殷勤詩入選甯知遜義少人耽

德暉字潛谷吳縣人

採梅

老戀繩牀懶出村偶攜筇杖破苔痕到來晴雪迷巖谷卧
入寒雲冷夢魂目旣成餘惟有笑心當醉處欲忘言一瓢
此際眞堪挂擬翦茅茨覆華門

德新字懶牧無錫人本姓朱

乃奇禪師約同臞庵先過楚禪卽事

幾竿修竹一泓池隴畔柴扉片石支有客未來茶已熟閒
將蕉葉寫新詩

然明字昭雯無錫人有叢桂齋集

答寶臣冬日見懷韻

太息才華合最難予歸林下汝江干綠蘿院裏看花落紅
豆村前聽鳩殘搖筆題詩過雪夜擁貂喫酒入春寒何時
再畫鑪灰坐話盡生平嗽芋團

廣濟字白拈海門人本姓崔如皋僧

過訪生庵訪古愚上人

古公棲隱處極目似天涯出郭不多路沿村無幾家因君
留午飯啜茗看秋花不覺忘歸去溪西日已斜

贈張璠星先生

山上孤峯山下溪北窗高枕白雲西南溪處士多瓢笠東郭先生只杖藜避世擬憑僧出沒逃禪不仗佛提攜灌園種竹疎籬下獨酌深林聽鳥哢

海岳字菌人號中州丹徒人

詩話中州主持清涼寺戒行精嚴詩文騰躍有氣勢金山詩有遙天豈肯隨江盡萬派應知到海難瓜渚人家新草色潤州城郭舊斜陽之句錢唐安溪東明寺有牡丹一株十餘一餘百花傳是讓帝時物竟陵唐建中赤子與菌人各作五言長篇紀其盛名雙髻堂唱和詩

訪友不值

尋君復不見寂寞出林閒落葉溪邊路浮雲海外山午煙桑柘隱秋色戶庭閒愛爾幽棲好歸來亦閉關

德溥字百泉通州人有腰雪堂集

望廬山

楚山秋霽後突兀望匡廬瀑布雲開處香鑪雨過初雙溪
纔咫尺五老在空虛欲問遠公跡蒼茫指點餘

送任卜三歸淮南

喜色眉端見知君賦曰歸幾回縈別緒無計挽征衣楚雨
片帆下淮煙一雁飛何時重艤艇還款老僧扉

別孫雪棹

恩恩判袂各天涯君返龍城我驥沙料得湖園春尙在小
紅開到米囊花

黃山慈光寺

羣峯圍拱妙蓮臺鳥道雲梯十里來山徑曲隨雲腳轉寺
門高壓樹頭開游人蠟屐攀初倦佛子蒲團定已回一笑
相逢同領會三生石上不須猜

行宏字四不號介山四川人本姓李住瓜洲總持庵

春日送希公上人

浮玉同分榻臨風思不羣我懷無可贈只有半山雲寒雁橫春霧江梅老夕曛杖藜回首處何日更論文

行鍊字法音號遠峯與化人本姓彭

詩話遠峯聞天童浮石兩老人爲宗門領袖時當大雪走十日謁浮石歸主建隆寺雲間名士倪永清選詩最於刊上遠峯主之寺中七年令僧眾從學詩向方外有心風雅士也

瓊花觀

曾是隋煬駐蹕來瓊花何處觀猶開昔年古徑生芳草此日殘碑長綠苔寂寞笙歌游客少淒涼風月爲誰哀蕃釐一去無消息惟有閒禽噪石臺

同隴庵居士過董公祠訪鄧孝威

一杖出蕭寺荒祠比鄧林樓高雲影近井久石痕深掩卷
生禪悅焚香靜客心我來同孝穆戶外聽微吟

三師石塔

潭北湘南六百年只圖無縫塔中圓祖翁血脈今何在老
樹烏囀月滿天

枯榦開梅

誰種窗前臘月梅霜姿鐵榦一枝開百花與我無交涉獨
許寒香到枕來

行悅字梅谷太倉人住理安寺

村院秋居

雞犬不時聞村深俗亦淳道情親易久鄉語譯方真田坂
斜陽淡楓林秋色貧因思在廬嶽冰雪早侵人

行定字巢庵興化人本姓陳

喜仙裝先生過訪

柴門常自掩有客叩方開因得支公語遙知叔度來風高
披竟日情洽竟忘杯獨愧東林遠相攜去復回

行演字隱峯寶應人主羅漢寺

夜泊話舊

曳衲西風古渡寒一帆落日問驚湍不愁暝色橫天外爲
有鐘聲出樹端相得自忘村野僻頻來轉覺道情寬當年
禪學同煙水牧雲和尚開法
虞山時何結社更向鐙前敘夙歡

行荃字竺蘭吳江人

偕指月雲岸一曉訪顧茂倫

雲水纔栖息南林復送行只因爾我意互作主賓情遠樹

迎風冷虛舟載月明已知尋夢趣渡口暮煙橫

行泰字雲雅丹徒人有一居集

宿焦山緣雪庵

朝朝江北望江南欲解愁懷復一探夜靜鐘聲沈竹榻月明禪語出蘿龕

行徧字雲父湖廣人本姓姜主淮安東山寺

輓元植居士

知己非難遇鐘期後有誰至人元不死大造總無私秋雨竹痕重涼颼月魄移誅詞空自發三哭欲何爲

行照字破有號惟安密雲人本姓司馬

平山堂

廣陵山閣好躋攀放眼乾坤夕照閒十里松濤傳石磬萬

重雲樹接江關雷塘尙積千秋恨法海旋偷半日閒幸得
有人同此意五泉亭上竟忘還

梵閣

憑虛梵閣倚晴空無限傷心一望中六代繁華渾已盡塞
鴻猶叫五更風

行鑒溧陽人

過優曇禪院

爲訪優曇遺跡來碑殘零落雜莓苔三春臘雪猶多積二
月梅花尙未開紺殿雖經新匠斧老松還是昔人栽祖師
面目依然在了了分明不用猜

超慧字霞隱吳江人

題蘆墟泗州寺

澤國蘆花滿野霜寺橋寒月照蒼蒼不堪夜泊鐘殘後落
盡秋聲雁幾行

名一字澆牧號田衣海鹽人本姓印嘉興珠明寺僧有
田衣詩鈔

秋晚登弄珠樓寄懷舒雲亭明府

輕橈櫂出郭門東繞郭平疇秔稻風孤塔倒撐深水碧小
樓斜倚短牆紅潮生向夜漁初動珠弄乘秋月未空楓葉
蘆花烘落照舊情無限畫亭中

雲亭嘗宰平湖備災虛
老人繪東湖秋晚圖